

... Եթե մենք մեզ չկորցնենք մյուսներին ծառայելու մեջ, մեր կյանքում քիչ նպատակ կլինի» («What Have I Done for Someone Today?» *Liahona*, Nov. 2009, 85):

Եղբայրներ և քույրեր, թույլ տվեք ևս մեկ անգամ ընդգծել, որ Երկնային Հոր և Նրա Սիրելի Որդու ամենակարևոր հատկանիշը, որը մենք պետք է ցանկանանք և ձգտենք ունենալ մեր կյանքում, գթության պարզևն է՝ «Քրիստոսի մաքուր սերը» (Մորոնի 7.47): Այս պարզևից է առաջ գալիս ուրիշներին սիրելու և ծառայելու ունակությունը, ինչպես Փրկիչն է արել:

Մորմոն մարգարեն սովորեցրել է մեզ այս պարզևի մեծագույն կարևորության մասին և ասել, թե ինչպես կարող ենք այն ստանալ. «Ուստի, իմ սիրելի եղբայրներ, աղոթեք Հորը, սրտի ողջ կորովով, որ դուք կարողանաք լցված լինել այդ սիրով, որը նա շնորհել է բոլոր նրանց, ովքեր նրա Որդու՝ Հիսուս Քրիստոսի ճշմարիտ հետևորդներն են. որ դուք կարողանաք դառնալ Աստծո որդիները. որպեսզի երբ նա հայտնվի, մենք լինենք նրա նման. քանզի մենք պիտի տեսնենք նրան, ինչպես որ ինքն է. որ մենք կարողանանք ունենալ այդ հույսը. որ մենք կարողանանք մաքրվել, ճիշտ ինչպես նա է մաքուր» (Մորոնի 7.48):

Մեծ բաներ են առաջ եկել հասարակ և փոքր բաներից: Ինչպես ոսկու փոքրիկ մասնիկները կուտակվում և ժամանակի ընթացքում դառնում են մեծ գանձեր, երբ ամեն անգամ մենք իրար օգնության հասնենք, բարության և ծառայության մեր փոքր ու հասարակ արարքները կկուտակվեն ու կդառնան Երկնային Հոր հանդեպ սիրով լցված, Տեր Հիսուս Քրիստոսի գործին նվիրված և խաղաղության ու ուրախության զգացումով լի կյանք:

Մինչ մենք մոտենում ենք Չատկի ժամանակաշրջանին, թող մենք ցուցաբերենք մեր սերն ու երախտագիտությունը Փրկչի քավող զոհաբերության հանդեպ՝ տանը, Եկեղեցում և մեր համայնքներում, մեր եղբայրներին և քույրերին ծառայելով մեր հասարակ, կարեկցող արարքներով: Այս ամենի համար ես խոնարհաբար աղոթում եմ Հիսուս Քրիստոսի անունով, ամեն: ■



**Երեց Նիլ Լ. Անդերսոն**  
Տասներկու Առաքյալների Քվորումից

# Նախապատրաստել աշխարհը Երկրորդ Գալստին

*Ձեր միսիան սուրբ հնարավորություն կլինի՝ ուրիշներին դեպի Քրիստոս բերելու և օգնելու համար նրանց նախապատրաստվել Փրկչի Երկրորդ Գալստին:*

Այս երեկո ես իմ խոսքը հատկապես ուղղում եմ 12-ից 25 տարեկաններին, ովքեր կրում են Աստծո քահանայությունը: Մենք ձեր մասին շատ ենք մտածում և մենք աղոթում ենք ձեզ համար: Մի անգամ ես պատմել եմ մեր չորս տարեկան թոռնիկի պատմությունը, ով շատ ուժեղ հրել էր իր փոքր եղբորը: Լացող երեխային սփոփելուց հետո կինս՝ Քեթին, շրջվեց դեպի չորս տարեկանն ու մտախոհ հարցրեց. «Ինչու՞ հրեցիր քո փոքր եղբորը»: Նա նայեց իր տատիկին և պատասխանեց. «Միմի, կներես: Ես կորցրել եմ իմ ԸՃ մատանին, և ես չեմ կարողանում ընտրել ճիշտը»: Մենք գիտենք, որ դուք միշտ ճիշտն ընտրելու ջանք չեք խնայում: Մենք ձեզ շատ ենք սիրում:

Արդյոք երբևէ մտածե՞լ եք, թե ինչու եք աշխարհի ուղարկվել հենց այս որոշակի ժամանակաշրջանում, այլ չեք ծնվել Ադամի և Եվայի ժամանակներում, կամ երբ փարավոններն

էին կառավարում Եգիպտոսում, կամ էլ Մինգ դինաստիայի ժամանակներում: Դուք աշխարհ եք եկել հենց այս ժամանակ՝ Քրիստոսի առաջին գալստից 20 դար անց: Աստծո քահանայությունը վերականգնվել է երկրի վրա, և Տերը առաջ է մեկնել Իր ձեռքը՝ նախապատրաստելու աշխարհը Իր փառահեղ վերադարձին: Սրանք մեծ հնարավորության և կարևոր պարտականությունների օրեր են: Սրանք ձեր օրերն են:

Ձեր մկրտությամբ դուք հաստատել եք ձեր հավատքն առ Հիսուս Քրիստոս: Քահանա ձեռնադրվելով՝ ձեր տաղանդներն ու հոգևոր կարողությունները ավելացել են: Ձեր կարևոր պարտավորություններից մեկն է՝ օգնել նախապատրաստել աշխարհը Փրկչի Երկրորդ Գալստի:

Տերը նշանակել է իր մարգարեին՝ Նախագահ Թոմաս Ս. Մոնտանին կազմակերպել Իր քահանայության աշխատանքը: Ձեզ Նախագահ Մոնտանն ասել է. «Տիրջը միսիոներներ



են հարկավոր»:<sup>1</sup> «Յուրաքանչյուր արժանի, ունակ երիտասարդ տղամարդ պետք է պատրաստվի միսիայում ծառայելուն: Միսիոներական ծառայությունը քահանայության պարտականություն է՝ պարտավորություն, որ Տերն ակնկալում է [ձեզանից], ում այսքան շատ է տրված»:<sup>2</sup>

Միսիոներական ծառայությունը զոհաբերություն է պահանջում: Միշտ որևէ բան կգտնվի, ինչը դուք հետևում կթողնեք, երբ պատասխանեք ծառայելու մարգարեի կանչին:

Նրանք, ովքեր հետևում են ռեզբիի խաղերին, գիտեն, որ Նոր Ձեյանդիայի Ամբողջովին սևեր՝ անունը, որը տրվել է նրանց իրենց համազգեստի գույնի պատճառով, ռեզբիի երբևէ եղած ամենանշանավոր թիմն է:<sup>3</sup> Նոր Ձեյանդիայի «Ամբողջովին սևերում» ընտրվելը կարող է համեմատվել ամերիկյան ֆուտբոլի Սուպերբոուլ թիմում կամ Աշխարհի Գավաթի ֆուտբոլային թիմում ընդգրկվելու հետ:

1961թ.-ին, Միդնի Գոինգ անունով Միսիոնյան Քահանայության մի կրող 18 տարեկանում արդեն

աստղ էր Նոր Ձեյանդիայի ռեզբիի բնագավառում: Նրա աչքի զարնող բացառիկ ունակությունների շնորհիվ շատերը համոզված էին, որ նա հաջորդ տարի կընդգրկվեր «Ամբողջովին սևեր» ազգային թիմում:

19 տարեկանում, ռեզբիի կարիերայի վերելքի խիստ կարևոր պահին, Միդը հայտարարեց, որ կթողնի ռեզբին՝ միսիայում կծառայելու համար: Որոշ մարդիկ նրան խենթ, ուրիշները՝ հիմար անվանեցին:<sup>4</sup> Նրանք հավատացնում էին, որ նրա հաջողությունները ռեզբիում կարող էին երբեք նորից չկրկնվել:

Միդի համար դա այն չէր, ինչը նա թողնում էր հետևում, դա գալիք հնարավորություն և պարտավորություն էր: Նա քահանայության պարտականություն ուներ՝ տալու իր կյանքի երկու տարիները Տեր Հիսուս Քրիստոսի վերականգնված ճշմարիտ ավետարանը քարոզելու աշխատանքին: Ոչինչ, նույնիսկ ազգային թիմում խաղալու ողջ համբավը և դրանից բխող հնարավորությունը, նրան չէին կանգնեցնի, հետ չէին պահի այդ

պարտականությունը կատարելուց:<sup>5</sup>

Աստծո մարգարեի կողմից նա կանչվեց արևմտյան Կանադա՝ միսիայում ծառայելու: Քառասունութ տարի առաջ այս ամսին 19-ամյա Երեց Միդնի Գոինգը թողեց Նոր Ձեյանդիան, որպեսզի որպես միսիոներ ծառայեր Հիսուս Քրիստոսի Վերջին Օրերի Սրբերի Եկեղեցում:

Միդը ինձ պատմել է մի փորձառություն մասին, որն ունեցել էր իր միսիայի ընթացքում: Մի երեկո, երբ նա ու իր զուգընկերն արդեն պետք է վերադառնային իրենց բնակարան, նրանք որոշեցին այցելել ևս մեկ ընտանիքի: Ընտանիքի հայրը թույլ տվեց նրանց մտնել: Երեց Գոինգը և նրա զուգընկերը վկայեցին Փրկչի մասին: Ընտանիքը ընդունեց Մորմոնի Գիրքը: Հայրը կարդաց այն ամբողջ գիշեր: Հաջորդ մեկ ու կես շաբաթվա ընթացքում նա կարդաց ամբողջ Մորմոնի Գիրքը, Վարդապետություն և Ուխտերն ու Թանկագին Մարգարիտը: Մի քանի շաբաթանց ընտանիքը մկրտվեց:<sup>6</sup>

Նոր Ձեյանդիայի «Ամբողջովին սևերի թիմում» ընդգրկվելու փոխարեն՝ մի՞սիա: Միդը պատասխանել էր. «Ուրիշներին դեպի ավետարան բերելու օրհնությունը շատ ավելի կարևոր է, քան որևէ բան, որ [դուք] երբևէ կզոհաբերեք»:<sup>7</sup>

Դուք հավանաբար կուզենաք իմանալ, թե ինչ պատահեց Միդ Գոինգի հետ իր միսիայից հետո: Ամենակարևորը. հավերժական ամուսնություն իր սիրելի Քուլինի հետ, հինգ ազնվագույն երեխաներ և թոռների հրաշալի սերունդ: Նա ապրեցվ իր կյանքը, վստահելով իր երկնային Հորը, պահելով պատվիրանները և ծառայելով ուրիշներին:

Իսկ ռեզբի՞ն: Իր միսիայից հետո Միդ Գոինգը դարձավ «Ամբողջովին սևերի» պատմության մեջ ամենալավ խաղացողը, խաղալով 11 խաղաշրջաններում և երկար տարիներ ծառայելով որպես թիմի ավագ:<sup>8</sup>

Իսկ որքանո՞վ էր Միդ Գոինգը լավ խաղացող: Նա այնքան լավն էր, որ մարզումների և խաղերի ժամանակացույցերը փոխվեցին, քանի որ նա չէր խաղում կիրակի օրը:<sup>9</sup> Նա այնքան լավն էր, որ Անգլիայի թագուհին հաստատեց նրա ավանդը

եղբայրներս: <sup>10</sup> Նա այնքան լավն էր, որ նրա մասին գրվեց *Մուսկեր Միդ* վերնագրով գիրքը:

Ի՞նչ կլինեք, եթե իր միսիայից հետո Միդը չհասներ այդ փառքին: Այս Եկեղեցու միսիոներական ծառայության մեծագույն հրաշքներից մեկն այն է, որ Միդ Գոլինգը և նրա նման հազարավորները չեն հարցրել՝ «Ինձ ի՞նչ կտա իմ միսիան», այլ դրա փոխարեն ասել են՝ «Ի՞նչ կարող եմ ես տալ»:

Ձեր միսիան սուրբ հնարավորություն կլինի՝ ուրիշներին դեպի Քրիստոս բերելու և օգնելու համար նրանց նախապատրաստվել Փրկչի Երկրորդ Գալստին:

Տերը երկար ժամանակ խոսել է Իր Երկրորդ Գալստին նախապատրաստվելու անհրաժեշտության մասին: Ենովքին Նա հայտարարել է. «Ես արդարություն ցած կուղարկեմ երկնքից. և ճշմարտություն առաջ կուղարկեմ երկրից . . . և արդարությունով ու ճշմարտությունով ես կսրբեմ երկիրը, ասես ջրհեղեղով, որպեսզի հավաքեմ իմ ընտրյալներին աշխարհի չորս կողմերից»: <sup>11</sup> Դանիել մարգարեն մարգարեացել է, որ վերջին օրերում ավետարանն առաջ կգլորվի մինչև աշխարհի ծայրերը, ինչպես «սարիցը մի քար կտրուեցաւ առանց ձեռքի»: <sup>12</sup> Նեփին խոսեց վերջին օրերի եկեղեցու մասին, որ այն թվով փոքր էր, բայց տարածվում էր ողջ երկրի երեսի վրա: <sup>13</sup> Տերը հայտարարել է այս տնտեսությունում. «Դուք կանչված եք՝ իրագործելու իմ ընտրյալների հավաքումը»: <sup>14</sup> Իմ երիտասարդ եղբայրներ, ձեր միսիան մեծ հնարավորություն և պարտավորություն է, այն կարևոր է այս խոստացված հավաքման համար և կապված է ձեր հավերժական ճակատագրի հետ:

Վերականգնման վաղ շրջանից սկսած Եղբայրները շատ լուրջ են վերաբերվել ավետարանի մասին հայտարարելու իրենց պարտականությանը: 1837թ. Եկեղեցու կազմավորումից ընդամենը յոթ տարի անց, ավետարանն ուսուցանելու համար միսիոներներ ուղարկվեցին Անգլիա: Հաջորդ մի քանի տարիների ընթացքում միսիոներները քարոզում էին զանազան երկրներում՝



Ավստրալիայում, Ֆրանսիական Պոլինեզիայում, Հնդկաստանում, Բարբադոսում, Չիլիում և Չինաստանում: <sup>15</sup>

Տերն օրհնել է այս աշխատանքը և եկեղեցիներ է հիմնել աշխարհով մեկ: Այս ժողովը թարգմանվում է 93 լեզուներով: Մենք շնորհակալ ենք 52225 լիաժամկետ միսիոներներին, որոնք ծառայում են 150-ից ավելի երկրներում: <sup>16</sup> Արևը երբեք մայր չի մտնում արդարակյաց միսիոներների համար, ովքեր վկայում են Փրկչի մասին: Մտածեք 52000 միսիոներների հոգևոր ուժի մասին, ովքեր օժտված են Տիրոջ Հոգով և համարձակորեն հայտարարում են, որ «որված չի լինի ոչ ուրիշ անուն, ոչ ուրիշ ճանապարհ, ոչ էլ միջոց, որի շնորհիվ կարող է փրկություն գալ մարդկանց զավակներին . . . միայն Քրիստոսի՝ Ամենակարող Տիրոջ անունով և միջոցով»: <sup>17</sup> Մենք մեր երախտագիտություն ենք հայտնում տասնյակ հազարավոր վերադարձած միսիոներներին, ովքեր տվել և շարունակում են տալ իրենց լավագույնը: Աշխարհը նախապատրաստվում է Փրկչի Երկրորդ Գալստին բացառապես Տիրոջ աշխատանքի շնորհիվ՝ Նրա միսիոներների միջոցով:

Միսիոներական ծառայությունը հոգևոր աշխատանք է: Արժանիությունն ու նախապատրաստությունը խիստ կարևոր են: Նախագահ Մոնտոնն ասել է. «Երիտասարդ տղաներ, ես խրախուսում եմ ձեզ

նախապատրաստվել որպես միսիոներ ծառայելու: Որպեսզի ներկայացնեք Տիրոջը՝ ձեր անձը մաքուր, անարատ ու արժանի պահեք»: <sup>18</sup> Ձեր միսիային նախորդող տարիներին, խնդրում եմ, հիշեք, որ ձեր առաջ սրբազան հանձնարարություն ունեք: Միսիայից առաջ ձեր արած գործերը մեծապես կազդեն ձեզ հետ միսիա բերած քահանայության գործության վրա: Լավ նախապատրաստեք ձեր անձերը:

Նախագահ Մոնտոնը խոսել է այն մասին, որ «յուրաքանչյուր արժանի, ունակ երիտասարդ [պատրաստվի] միսիայում ծառայելուն»: <sup>19</sup> Երբեմն առողջական կամ որևէ այլ պատճառով, ինչ որ մեկը ի վիճակի չի լինի ծառայել: Դուք կիմանաք ձեր ծառայելու կարողության մասին, երբ խոսեք ձեր ծնողների և ձեր եպիսկոպոսի հետ: Եթե ձեր իրադրությունը այդպիսին լինի, խնդրում եմ, պակաս կարևոր չհամարեք ձեր առջև դրված կարևոր լիազորությունը: Տերը շատ առատաձեռն է նրանց հանդեպ, ովքեր սիրում են Իրեն, և Նա այլ դմներ կբացի ձեզ համար:

Ոմանք կարող է մտածեն, որ, միգուցե, իրենք շատ մեծ են ծառայելու համար: Իմ ընկերներից մեկը, ով Չինաստանից էր, գտել էր Եկեղեցին Կամբոջիայում, երբ մոտավորապես 25 տարեկան էր: Նա խորհում էր, թե արդյոք կկարողանար ծառայել միսիայում: Աղոթելուց և իր եպիսկոպոսի հետ խոսելուց հետո, նա կանչվեց և ազնվորեն ծառայեց Նյու

Յորք Միթինում: Եթե դուք մտահոգություններ ունեք՝ կապված ձեր տարիքի հետ, աղոթեք և խոսեք ձեր եպիսկոպոսի հետ: Նա կառաջնորդի ձեզ:

Միսիոներների հիսուն տոկոսը ծառայում է իր սեփական հայրենիքում: Թերևս դա է ճիշտը: Տերը խոստացել է, որ «ամեն մարդ կլսի ավետարանի լրիվությունն իր լեզվով՝ իր մայրենի լեզվով»:<sup>20</sup> Դուք կկանչվեք մարգարեությամբ և կծառայեք այնտեղ, որտեղ ձեր կարիքը ամենամեծն է:

Ես սիրում եմ հանդիպել միսիոներներին աշխարհի տարբեր մասերում: Վերջերս, Ավստրալիա Միդնի Միսիա այցի ժամանակ գիտե՞ք, թե ես ում գտա. Երեց Միդնի Գոինգին՝ Նոր Զելանդիայի ռեգբիի լեգենդին: Այժմ, 67 տարեկան հասակում, նա մեկ անգամ ևս միսիոներ է, բայց այս անգամ իր ընտրած գույրնկերոջ՝ քույր Քոլլին Գոինգի հետ: Նա պատմեց ինձ մի ընտանիքի մասին, որին կարողացել էին ուսուցանել: Ծնողները Եկեղեցու անդամներ էին, սակայն տարիների ընթացքում դարձել էին քիչ ակտիվ: Երեց և Քույր Գոինգները օգնեցին բորբոքել ընտանիքի հավատքը: Երեց Գոինգն ինձ պատմեց իր զգացած գործության մասին, մինչ կանգնած էր ընտանիքի հոր կողքին մկրտության ավագանի մոտ, երբ ավագ որդին, որն այժմ քահանայություն էր կրում, մկրտեց իր կրտսեր եղբորը և քրոջը: Մեծ էր նրանց ուրախությունը, երբ տեսնում էին միասնական ընտանիք, ովքեր միասին ակնկալում էին հավերժական կյանք:<sup>21</sup>

Խոսքն ուղղելով ձեզ՝ Առաջին Նախագահությունն ասել է.  
«Դու՛ր ընտրյալ [հոգի] [ես], որ ծնվել [ես] այս ժամանակաշրջանում, երբ ինչպես պատասխանատվություններն ու հնարավորությունները, այնպես էլ գայթակղություններն ամենամեծն են: . . .

Մենք աղոթում ենք ձեզանից յուրաքանչյուրի համար . . . որ դուք կարողանաք կատարել ձեր առջև դրված մեծ աշխատանքը . . . որ դուք արժանի լինեք [և ցանկանաք] շարունակելու Աստծո արքայությունը կառուցելու և աշխարհը Փրկչի



Երկրորդ Գալուստին նախապատրաստելու պարտավորությանը»:<sup>22</sup>

Ես սիրում եմ Փրկչի Երկրորդ Գալուստը պատկերող Հարրի Անդերսոնի նկարը: Այն ինձ հիշեցնում է, որ Նա կգա վեհությամբ ու իշխանությամբ: Զարմանալիքներ տեղի կունենան երկրում և երկնքներում:<sup>23</sup>

Նրանք, ովքեր սպասում են Տիրոջ գալստին, «կփնտրեն [Նրան]»: Եվ Նա խոստացել է՝ «Ես կգամ»: Արդարները կտեսնեն Նրան «երկնքի ամպերի մեջ, բոլոր սուրբ հրեշտակների հետ», գործություն ու մեծ փառք հագած»:<sup>24</sup> «Հրեշտակը պիտի հնչեցնի իր փողը . . . և սրբերը [աշխարհի չորս կողմերից]<sup>25</sup> . . . կհափշտակվեն վեր, որ դիմավորեն նրան»:<sup>26</sup> Նրանք, «որ ննջել են», նկատի ունենալով այն արժանի սրբերին, ովքեր մահացել են, «[նույնպես] առաջ պիտի գան [Նրան] դիմավորելու»:<sup>27</sup>

Սուրբ գրություններում կարդում ենք. «Տերն իր ոտքը կդնի սարի վրա»<sup>28</sup> և «[Նա] պիտի արձակի իր ձայնը, և աշխարհի բոլոր ծայրերը պիտի լսեն այն»:<sup>29</sup>

Քահանայություն կրող իմ երիտասարդ եղբայրներ, ես վկայում

եմ այս փառահեղ իրադարձության վեհության, և, առավել ևս, հավաստիության մասին: Փրկիչն ապրում է: Նա կվերադառնա աշխարհ: Եվ լինի դա վարագույրի այս, թե այն կողմում, դուք և ես կիրճվենք Նրա Գալստով և շնորհակալություն կհայտնենք Տիրոջը, որ Նա մեզ աշխարհ ուղարկեց՝ կատարելու մեր սուրբ պարտականությունը այս ժամանակաշրջանում, օգնելու նախապատրաստել աշխարհը Նրա Վերադարձին, Հիսուս Քրիստոսի անունով, ամեն: ■

**ՀՂՈՒՍԵՐ**

1. Թոմաս Ս. Մոնսոն, «Տիրոջ միսիոներներն են հարկավոր», *Լիսինսու* Հունվ. 2011, 4:
2. Թոմաս Ս. Մոնսոն, «Միասին կրկին հանդիպելով», *Լիսինսու*, Նոյ. 2010, 5–6:
3. Stu stats.allblacks.com:
4. Stu Bob Howitt, *Super Sid: The Story of a Great All Black* (1978), 27:
5. Հեռախոսային գրույց Նախագահ Մաքսվել Հորսֆորդի հետ, Կաիկո Նոր Զելանդիա Ցից, Մարտ 2011:
6. Հեռախոսային գրույց Երեց Միդնի Գոինգի հետ, Մարտ 2011:
7. Էլեկտրոնային փոստով ուղարկված հաղորդագրություն Միդնի Գոինգի կողմից, Մարտ 2011:
8. Stu stats.allblacks.com/asp/profile.asp?ABID=324:
9. Հեռախոսային գրույց Նախագահ Մաքսվել Հորսֆորդի հետ, Կաիքոի Նոր Զելանդիա Ցից, Մարտ 2011:
10. Միդ Գոինգը պարզապես էր ԲԿՄ (Բրիտանական Կայսրության Միաբանության Անդամ) 1978թ. ռեգբի սպորտաձևում իր ունեցած ավանդի համար (տես Howitt, *Super Sid*, 265):
11. Մովսես 7.62:
12. Դանիել 2.45:
13. Տես 1 Նեփի 14.12–14:
14. Վարդապետություն և Ուխտեր 29.7:
15. Տես *Deseret News 2011 Church Almanac* (2011), 430, 432, 458, 463, 487, 505:
16. 2010թ. դեկտեմբերի 31-ի դրությամբ:
17. Մոսիա 3.17:
18. Թոմաս Ս. Մոնսոն, *Լիսինսու*, Հուն. 2011, 4:
19. Թոմաս Ս. Մոնսոն, *Լիսինսու*, Նոյ. 2010, 5–6:
20. Վարդապետություն և Ուխտեր 90.11:
21. Հեռախոսային գրույց Երեց Միդնի Գոինգի հետ, Մարտ 2011:
22. «Ուղերձ Առաջին Նախագահության կողմից», *Երիտասարդների հոգևորականության համար. կատարել Աստծո հանդեպ մեր պարտականությունը* (գրքույկ, 2001), 2–3:
23. Տես Վարդապետություն և Ուխտեր 43.18; 45.40:
24. Վարդապետություն և Ուխտեր 45.44:
25. Վարդապետություն և Ուխտեր 45.45, 46:
26. Վարդապետություն և Ուխտեր 88.96:
27. Վարդապետություն և Ուխտեր 45.45; տես նաև Վարդապետություն և Ուխտեր 29.13–88.96–97:
28. Վարդապետություն և Ուխտեր 45.48:
29. Վարդապետություն և Ուխտեր 45.49: